

嘉靖青州府志

地 140.77
1275
部 三 14

青州府志卷之五

天文志

星野

書曰天明畏自我民明威達于上下嚴哉星家者流州野配合率多緣億縱其近似天道遠矣青郡統轄袤延千里昔人所分玄枵奎婁具有成說不可執亦不可廢也志之察機祥備修輔云

女虛危在子玄枵之次齊分野

星野

青州府志卷五

一

入危四度唐天文志曰須女虛危玄枵也初須女五度餘二千三百七十四秒四少中虛九度終危十二度自濟北東踰濟水涉平陰至于山荏循岱嶽衆山之陰東南及高密又東盡萊邑之地得漢北海千乘淄川濟南齊郡及平原渤海九河故道之南濱于碣石古齊紀祝淳于萊譚寒及斟鄩有過有鬲蒲姑氏之國其地得媿訾之下流自濟東達于河外故其象著爲天津絕雲漢之陽凡司人之星與羣臣之錄皆主虛危故岱宗爲十二諸侯



受命府又下流當九河末派比于星紀

今青州屬邑曰益都曰臨淄曰博興曰高苑曰樂安曰壽光曰昌樂曰臨朐皆齊之舊境也宜屬于此

奎婁在戌降婁之次魯分野

晉天文志曰東海入奎一度瑯琊入奎六度城陽入婁九度唐天文志曰奎婁降婁也初奎二度餘一千二百一十七秒十七少中婁一度終胃二度自蛇丘肥城南屆鉅野東達梁父循岱嶽衆山之

星野

青州府志卷五

二

陽以負東海又濱泗水經方與沛留彭城東至于呂梁乃東南抵淮並淮水而東盡徐夷之地得漢東平魯國瑯琊東海泗水城陽古魯薛邾莒小邾徐邾鄆郟邳邾任宿須句顓臾牟遂鑄夷介根牟及大庭氏之國奎爲大澤在陬訾下流當鉅野之東陽至于淮泗婁胃之墟東北負山蓋中國膏腴地百穀之所阜也







今青州屬邑曰莒州曰沂水曰日照曰安丘曰諸城曰蒙陰皆魯之舊境也宜屬于此

按齊乘引禹貢青州曰嵎夷既略濊淄其道徐
 州曰淮沂其又蒙羽其藝嶧陽孤桐皆今齊境
 山川也又引蘇秦曰齊南有泰山東有琅邪西
 有清河北有渤海地方二千里此其疆域也又
 春秋運斗樞曰虛危之精流為青州分為齊國
 立為萊山其川淮泗其浸沂沐由此觀之青州
 十四屬而以六屬為魯分殆不然矣若以初封
 之制言之齊固不如此之大魯亦焉能遠有海
 上數邑哉齊乘又曰沂州春秋齊魯二國之境
 沂水本莒魯所爭之鄆邑密州戰國齊地今諸
 城也安丘古椹牟國前漢置縣有兩安丘一在
 北海一在琅邪今縣鄰北海非琅邪之安丘矣
 又焉得為魯邑哉春秋莒人入向向莒縣也傳
 至子朱為楚所滅地人于齊燕將破齊惟莒即
 墨不下是也日照瀕海建邑未久地屬琅邪放
 于琅邪亦齊境也惟東蒙在魯邾域之中耳大
 抵青州屬邑在魯分者沂水
 蒙陰二縣也餘俱隸齊為是


星野

青州府志卷五

齊分玄枵圖



司祿
司命
人星
城
泣





星野

青州府志卷五

四

魯分降婁圖








雙宿

左更

右更



胃宿



星野

青州府志卷五

五

災祥

春秋特詳災異豈不以人事作於下天變應於上昭然可鑒戒哉而後之作史者則機祥並書所以紀事徵著得失也夫晏嬰蹇侃其對齊君之言躋矣魏晉以來政治不百一古昔然方策所記言祥瑞者寔多此繇何道哉是又可鑒也已

周惠王三年春秋魯莊公二十二年齊桓公十二年夏齊大災劉向以為齊桓

好色以妾為妻嫡庶屢更故也

敬王四年春秋魯昭公二十六年齊景公三十二年齊有慧星齊侯使

災祥

青州府志卷五

六

子曰無益也祗取誣焉天道不諂不貳其命若之何穰之且天之有慧也以除穢也君無穢德又何穰焉若德之穢穰之何損熒惑守虛期年去

赧王三十一年齊湣王四十年齊千乘博昌之間方數百

里雨血沾衣○齊有人當闕而哭者求之不得去

則聞其聲時燕昭王伐齊齊湣王出奔為楚將淖齒所弑

秦二世二年秋七月琅琊大霖雨

漢高帝三年十一月癸卯晦日食在虛三度虛齊分

惠帝七年正月辛丑朔日食在危十三度危齊分占曰正

月朔日是為三朝尊者惡之

文帝元年四月齊楚地震山崩大水潰出通考云文帝二

年四月齊楚地山廿九所同日震俱大發水潰出劉向以為齊楚七國為亂被滅之兆

二年十一月丁卯晦日食在虛八度

五年六月齊雍門外有狗生角先是帝兄齊悼惠王亡後帝分齊地

二其度子七人皆為王兄弟並疆有亢陽心故犬獸見也太守御角兵象在前而上鄉者也犬不當生角猶諸侯不當舉兵鄉

京師也天之戒人蚤矣

七年十一月戊戌土水合于危危齊分占曰為雍沮所當之國不可

舉事用兵必受其殃一曰將覆軍

景帝三年十一月庚寅晦日食在虛九度漢書作七年

災祥 青州府志卷五 七

中三年十一月庚午夕金火合於虛相去一寸占

為鑠為喪

武帝元狩三年山東大水

宣帝本始元年五月鳳凰集膠東千乘

二年琅琊大旱

四年四月地震琅琊壞宗廟城郭○五月鳳凰集

北海安丘淳于

元帝初元元年六月琅琊人相食

二年正月戊午齊地震北海水溢○秋七月巳酉

地復震

下詔賑卹

建昭二年冬齊楚地大雪深五尺

綱目書云齊楚地震大雨雪

成帝建始四年秋河決館陶及東郡金隄泛濫灌

平原千乘水居地深者三丈壞敗官亭室廬

永始元年春北海出大魚長六丈高一丈四枚

光武建武二年正月甲子朔日食在危八度

時世祖初

興天下賊亂未除虛危齊地賊張步擁兵據齊上遣伏降諭步許降旋復叛稱王至五年中乃破

七年齊火災琅琊陽都南門一柱飛抵洛陽

二十二年青州蝗

災祥

青州府志卷五

八

章帝建初二年北海得一角獸大如麕

和帝永元元年三月丙辰流星起天津

七年正月丁未流星起天津入紫宮中滅色青黃

有光

按天津為虛危齊分之諸星

安帝永初四年夏四月青州蝗

五年正月庚辰朔日食在虛八度

元初二年十一月甲午客星見西方巳亥在虛危

南至胃昴

郝萌曰客星入虛大人當之又曰客星守危強臣執國命在后族又且大風有

危敗黃帝星經曰客星入守若出危大飢民食貴

四年六月樂安雹如杵殺人

延光元年琅琊言黃龍見

質帝本初元年五月海水溢樂安北海溺殺人物

時帝幼梁太后專政

桓帝永壽元年白鳥見齊國

靈帝熹平二年六月北海海水溢出漂流人物○

十二月癸酉晦日食在虛二度

光和三年歲星熒惑太白三合于虛相去各五六

寸如連珠

占曰火木金三合為喪虛齊地明年琅琊王據薨至中平六年宮車晏駕

災祥

青州府志卷五

九

六年冬大寒北海琅琊井中冰厚尺餘

袁山松書曰時羣賊

起天下始亂

三國魏明帝青龍三年春正月隕石一于壽光

景初二年十月癸巳客星見危逆行在離北宮騰

蛇南甲辰犯宗星己酉滅

占曰客星所出有兵喪虛危為宗廟又為墳墓

客星近離宮則宮中將有大喪就先君于宗廟之象也至三年正月帝崩

晉武帝泰始四年九月青徐兗豫四州大水

五年青徐兗州大水

六年白龍二見于東莞

咸寧元年四月白麋見瑯琊趙王倫獲以獻八月丁酉大

風吹帝社樹折有青氣出社中占者以為東莞有天子氣時瑯琊武

王佃封東莞佃元帝祖也及孫皓之亡王濬寔先至建業而皓之降欵遠歸璽書於瑯琊天意人事

又符中興之兆也○九月青州螟

二年十二月琅琊人顏畿死棺斂已久復生者二

年畿病死棺斂已久家人感夢畿謂己曰我當復生可急開棺遂出之漸能飲食屈伸視瞻不能

行語二年復死京房易傳曰至陰為陽下人為上厥妖人死復生其後劉石僭逆遂亡晉室下為上

也之應

三年十月青州大水

災祥

五年木連理生樂安臨濟

六年三月青州郡國旱

太康二年二月辛酉隕霜于琅琊傷麥壬申琅琊

雨雹傷麥○五月丙戌城陽琅琊雹傷麥庚寅樂

安濟除齊國雨雹傷禾稼

三年四月木連理生琅琊

六年二月戊辰齊郡臨淄樂安琅琊等縣隕霜傷

桑麥一作三月青州郡國大水

八年四月齊國隕霜○十二月大雪

惠帝元康五年三月癸巳臨淄有大蛇長十餘丈

負二小蛇入城北門徑走市入漢城陽景王祠中

不見天戒若曰昔漢景王有定傾之功而不厲節忠慎以至失職奪功之辱今齊王問不寤雖

建興復之功而驕陵取禍此其徵也○六月城陽東莞大水殺人

永康元年四月壯武有桑化為栢時張華遇害壯武華之封邑也

二年四月彗見齊分占齊有兵喪時齊王問起兵討趙王倫倫滅明年齊王問

復敗

永寧元年自夏及秋青徐幽并四州旱○七月歲

星守虛危占曰有兵憂一曰守虛飢守危徭役繁多○十月北海青蟲

災祥

青州府志卷五

十一

食禾葉○二年十一月熒惑太白闕于虛危占曰大兵

起破軍殺將

愍帝建興五年青州蝨

元帝大興元年六月東莞蝗蟲縱橫三百里害苗

稼○八月冀青徐三州蝗食生草盡至于二年是時

中州淪喪暴亂滋甚

三年四月甘露降琅琊

穆帝永和十年四月癸未流星大如斗色赤黃出

織女沒造父有聲如雷占曰燕齊有兵百姓流亡其年十二月慕容雋遂據

臨漳盡有幽并青冀之地河津隔絕慕容恪攻齊○按織女造父二星為虛危齊分之諸星

升平五年正月乙丑月在危宿掩太白占曰天下靡散

孝武帝寧康二年正月丁巳有星孛於女虛通考作寧

康元年

太元十三年十一月辰星入月在危

太元二十年九月有蓬星如粉絮東行南歷女虛

至哭星占曰蓬星見不出三年必有亂臣戮死于市時王國寶交構朝廷二十一年帝崩安

帝隆安四年王恭等興兵朝廷殺國寶

安帝隆安五年三月甲寅流星赤色衆多西行經

災祥 青州府志卷五 三

牽牛虛危天津閣道貫太微紫宮占曰星庶人類衆多西行衆將

西派之象經天子庭主弱臣強諸侯兵不制其年五月孫恩侵吳郡殺內史六月至京口劉裕追破之

義熙二年十二月丙午月掩太白在危占曰齊王國五年劉

燕裕滅

四年僞燕慕容超祀南郊將登壇有獸大如馬狀

類鼠赤色集園丘之側俄而不知所在須臾大風

暴起天地晝昏行宮羽儀皆振裂○冬十一月汝

水竭南燕汝水竭河凍皆合而澗水不冰南燕主超惡之問于李宣宣對曰澗水無冰良由逼

帶京城近日
月也超大悅

五年十二月太白犯虛危

時劉裕伐南燕圍廣固
靈臺令張先勸慕容超

出降超
手殺之

六年五月壬申大風吹琅琊射堂倒壞

南宋高祖武帝永初二年二月赤鳥六見北海都

昌○三年二月丙戌有星孛于虛危

文帝元嘉元年七月有白燕集於齊郡遊庭宇經

九月乃去衆燕翼隨者數千

四年五月辛酉甘露降齊郡西安臨朐城○七月

災祥

青州府志卷五

十三

乙酉白雀見北海劇

五年五月庚辰白雉見東莞莒縣

太守劉玄以聞○秋七

月白鹿見東莞莒縣

太守劉玄以獻○白鹿
王者明惠及下則至

八年四月乙亥東莞莒縣松樹連理

刺史劉玄以聞

十一年五月丁丑齊郡西安宗顯獲白雀

青州刺史段宏

以獻○十七年八月青州大水

二十三年二月青州獻白兔二

北魏太平真君七年也

二十四年青州大水○七月己酉白兔見東莞

太守

趙獻

○二十五年冬十一月青州城南遠望地中

如水有影人馬百物皆見影中積年乃滅

二十七年十月己丑嘉禾生北海宋青州刺史杜坦以聞

孝武帝孝建二年九月己丑嘉禾異畝同穎生廣

饒○三年五月木連理生北海都昌宋冀州刺史桓護之以聞

大明三年九月乙亥嘉禾生北海都昌宋青州刺史顏師伯

以聞○四年六月乙卯白燕見平昌宋青州刺史劉道隆以獻

六年八月辛巳白雀見齊郡青冀二州刺史劉道隆以獻

十一月望太白鎮星合于危占曰天子失土

順帝昇明元年八月辛未白兔見北海刺史劉道隆以獻

災祥
青州府志卷五
十四

三年四月歲星在虛危徘徊玄枵之野占曰齊國有福厚受

慶之符

明帝泰始三年二月壬寅白鼠見樂安○五月己

卯白麇見北海都昌並宋青州刺史沈文秀以獻○按綱目宋泰始五年春正

月魏拔宋青州執其刺史沈文秀以慕容白曜為青州刺史時為魏孝文帝延興元年也

北魏孝文帝延興二年正月青州獻白雀時為宋泰豫元

也年

承明元年四月辛酉青州大風雹宋元徽四年丙辰之歲

太和元年三月白鹿見于青州○四月青龍見齊

郡○六月慶雲見益都是為宋順帝昇明元年丁未之歲

六年七月青州大水時為南齊高皇建元四年壬戌之歲

七年六月青州見三足鳥王者慈孝天地則至時為齊武帝永明元年癸亥之歲○冊府作

宣武景明七年

八年六月乙巳青州好魴害稼

九年四月青州隕霜

十一年九月莒縣獲嘉禾一株時為齊武帝永明五年

十六年青州汨液戍獲白雉一頭時為齊永明十年

十八年正月獻白雉時為齊廢帝延興九年○按青州未入南齊輿圖而齊書

災祥

青州府志卷五

五

載其祥異二二三事今並正之附于魏

宣武帝景明元年五月南青州好魴害稼○六月

青州大雨雹殺麀鹿○七月青齊大水平隰一丈

五尺民居漂者十四五

二年十二月南青州獻蒼鳥君修行孝慈萬姓不好殺生則至

四年二月齊郡上言臨淄縣木連理○四月辛巳

青州隕霜殺桑麥○五月青州莒縣木連理

正始二年三月青州大霖雨海水溢出於州樂陵

之隰沃縣流漂一百五十二人

三年十月青州獻白雉冊府作景明三年

永明元年四月青州步屈蟲害棗花○九月壬辰

青州地震殷殷有聲○十月甘露降于青州益都

縣○樂安郡獲白兔時為梁天監七年戊子之歲

二年正月壬寅青州地震

三年五月青州步屈蟲又害棗花○八月好蚘害

稼三分食二

延昌二年六月乙酉青州人饑詔使者開倉賑卹

三年四月青州人復饑辛巳開倉賑卹○四月有

災祥
青州府志卷五
六

流星起天津東南流轆虛危

四年八月青州獻白雀

孝明熙平元年六月好螟害稼時為梁天監十五年丙辰之歲

正光二年四月甲辰火土相犯於危○十一月辛

亥金土又相犯於危占曰天下大亂甲兵起

三年三月青州上言平昌郡木連理冊府作熙平三年

梁武帝天監十年九月西北隱隱有聲如雷赤氣

下至地是歲盜殺東莞琅琊二郡守以胸山引魏軍○按綱目天監十年琅琊民王萬壽殺

太守劉晰據胸山召魏軍通考謂以胸山引魏軍正與此合當是十年無疑或云十九年誤也○梁

大通二年魏青州叛附于梁事在魏孝昌四年又中大通五年青人耿翔殺其刺史降梁梁以翔為刺史在魏
永熙二年

大同三年六月胸山隕霜○七月青州雪害稼俱

書五行志○東魏天平四年

東魏孝靜天平四年二月青州獻白雉時為梁大同三年丁

巳歲

元象元年郡大水蝦蟇鳴於樹上梁大同四年戊午之歲

興和三年八月南青州獻嘉禾梁大同七年辛酉之歲

武定四年三月青州獻白雉按綱目梁大清三年北青州叛降於東魏

災祥

青州府志卷五

七

時為東魏武定七年也

八年三月甲午歲鎮太白在虛熒惑又從而入之

四星聚焉五月東魏亡○四月青州上言齊郡木連理

是歲為梁簡文大寶元年庚午之歲東魏亡齊代

北齊世祖武城帝大寧二年四月河濟清改元河

清時平陽王高淹為青州刺史上言○陳天嘉三年壬午之歲

河清三年山東大水飢死者不可勝計○通考云後齊武成河清三年六月庚

子大雨晝夜不息至甲辰山東大水人多餓死是歲突厥寇并州陰戎作梗之應

後主武平四年山東饑時大興土木侈麗宮侍千餘皆寶衣玉食逆中氣之

咎

六年七年春冬雨水冰

其年周師入晉齊後主避走青州州遂被兵○時為

陳大建七年乙未之歲

六年八月山東諸州大水

時羣小用事姦佞滿朝

天統元年六月壬戌彗星入危漸長一丈餘指室

壁後百餘日在虛危滅

占曰有大喪亡國易政其四年十二月太上皇崩

南 周武帝保定二年十一月壬午熒惑犯歲星於危

五年六月庚申彗星出三台經紫宮西垣入危漸

災祥

青州府志卷五

六

長一丈餘指室壁後百餘日短至二尺五寸在虛危滅

元和三年二月庚午有流星大如斗至天津出攝

提流至天津滅有聲如雷

建德三年十一月丙子歲星與太白相犯光芒相

及在危

占曰其野兵人主凶失其城邑

○十二月月犯歲星在危

相去二寸

占曰其邦流亡不出三年

宣帝大象元年十月乙酉熒惑在虛與鎮星合

占曰

兵大起將軍為亂大人惡之

隋文帝開皇十四年十一月癸未有彗孛于虛危及奎婁齊魯之分

煬帝大業三年諸城大旱○五年齊魯諸郡飢○六年山東大水○八年山東大旱

唐太宗貞觀元年夏山東大旱

四年密州大有年

六年三月乙卯朔日食在虛九度虛耗祥也

八年秋七月山東大水○八月甲子有星孛于虛危

災祥

青州府志卷五

九

高宗永和六年秋密州水害稼○淄州高苑民吳威妻一產四男○五年密州大稔

總章元年山東旱飢

上元三年八月青州大風海溢漂居民五千餘家

齊淄等七州大水

永隆元年琅琊大水

中宗景隆元年十月丙寅太白熒惑合於虛危占日

有喪

三年九月密州水害民居數百家

玄宗開元三年山東大蝗

四年夏山東蝗食稼聲如風雨

十二年閏十二月丙辰朔日有食之在虛初度

十三年大有年青齊斗米五錢粟三錢

二十五年十一月青州奏日光五色

二十八年青州慶雲見

天寶三載青州紫蟲食苗有鳥食之

十五載熒惑鎮星同在虛危中天芒角大動搖占者

以為北方之宿子
午相衝災在南方

災祥

青州府志卷五

二

代宗大曆八年閏十一月壬寅太白辰星合于危

十四年十二月丙寅晦日食在危十二度

德宗貞元三年閏五月戊寅枉矢墜于虛危

八月淄青節度李納獻毛龜詔示百僚

四年夏鄭汴境內烏皆羣飛集淄青境各銜木柴

為城高二三尺方十里節度使李納惡而焚之信

宿復然烏口皆流血

順宗永貞元年六月淄青蝗

按通考是年夏蝗東
自海西盡河隴郡飛

蔽天旬日不息所至草木葉及畜毛靡有孑
遺飢饉枕道民蒸蝗曝颺去翅足而食之

憲宗元和二年正月癸丑月犯太白於女虛

九年十月辛未熒惑犯鎮星又與太白合于女在齊

分○十一年六月密州大風雨海溢毀城郭○十

二月甲午月犯鎮星在危○十二月鎮星太白辰

星聚於危

十二年春青州一夕暴風起西北天地晦暝空中

若有旌旗之狀屋瓦如蹂躪聲有日者占之曰不

戮殺

十三年春淄青府署及城中烏鵲互取其雛各以

災祥

青州府志卷五

三

哺子更相搏擊不能禁

十四年夏四月淄青二州隕霜殺惡草及荆棘不

害嘉穀

穆宗長慶四年夏淄青螟蝗害稼

文宗泰和二年夏淄青等州大水

九年六月庚寅月掩歲星在危而暈○十月庚辰

月復掩歲星在危

開成元年正月辛丑朔日食在虛三度

二年二月丙午有彗星于危長七尺餘西指南斗

戊申在危西南芒耀愈盛癸丑在虛辛酉長丈餘
西行稍南指○六月淄青蝗○八月丁酉有彗星
于虛危虛危為玄枵
枵耗名也

四年秋淄青大雨水害稼及民廬舍

五年夏淄青蝗螟害稼

宣宗大中八年正月丙戌朔日食在危二度

僖宗乾符四年七月有大流星如盂自虛危歷天

市入羽林始滅占為
外兵

昭宗乾寧三年十月有客星三一大二小在虛危

災祥

青州府志卷五

三

間乍合乍離相隨東行狀如鬮經三日而二小星
沒大星後沒

天復二年鎮星守虛三年二日始去

五代後唐莊宗同光二年十月密州諸城縣人徐

霸獲芝草兩莖嘉禾九穗刺史李紹岳
畫圖以進

明宗天成元年八月青州進芝草

末帝清泰三年九月己丑彗出虛危長尺餘形微

細經天壘哭星其年十一月帝遇
難晉高祖登位

後晉高祖天福七年四月山東諸郡蝗害稼

後漢高祖乾祐元年七月青兗齊密皆言蜾生

宋太祖乾德三年淄州濟水並清河溢害鄒平高苑縣民田○七月諸路有蝗淄州民韓贊斷手指以祭

四年八月淄州清河水溢壞高苑縣城溺數百家開寶二年淄青州水及雹害夏苗

六年秋淄青水傷田

太宗太平興國七年密州春旱秋水害稼

端拱元年四月辛亥亥時有星出天津大如醜赤

災祥

青州府志卷五

三

黃色蛇行有聲明燭地犯天津東北星

二年十月密州獻芝○十一月壬辰歲星熒惑舍危

五年正月密州獻芝四本枝葉扶踈

至道元年七月癸丑有星出危大如杯色青白入

羽林沒

占云爲兵大起將軍出

○閏七月密州獻芝草二本

二年六月密州蝗生食苗

七年密州蝗大飢盜賊滿野

八年密州自正月至於六月不雨

真宗景德三年京東諸州蝻生宋制青州為京東東路○八

月青州大雨壞鼓樓門壓傷數十人死者四人

大中祥符二年七月淄青州大水

乾興元年五月壬午星出危大如杯赤黃色有尾

速行而東炸如迸火隨至羽林軍南沒明燭地占日

北夷兵動

仁宗明道元年八月丙寅星出營室西南速行至危沒

景祐元年九月丁亥星出天津如太白青色有尾

災祥

青州府志卷五

一西

沒于危

四年閏四月癸未星出天津大如杯○六月壬寅星出天津入天市垣至宗人沒

皇祐元年二月丁卯彗出虛辰見東方西南指歷

紫微至婁沒占曰有兵喪

四年六月庚子星出危如太白速行入濁

慶曆元年八月壬午黑氣起西南長七尺貫危宿

羽林入濁至天津良久散

六年二月戊寅青州地震

嘉祐三年九月癸丑有星出危如太白赤黃色有尾迹明燭地

神宗熙寧二年七月丁卯出星危南西南急行至

壘壁陣沒

主天下安五穀熟土功興

十年秋七月河決曹邳灌郡縣四十有五合青州

清河入于海

元豐三年五月青州臨朐益都石化爲麩民取食之

五年青州禾異畝同穎○十一月甲申星出天津

災祥

青州府志卷五

莖

北如太白

七年十一月乙卯星出虛南如杯○十月青州芝

生二十一本○青州禾異畝同穎者十一

哲宗元祐四年九月青州禾合穗及有一本三穗

六年九月甲寅星出天津北

七年五月濰州北海縣蠶自織如絹成領帶

通考

紹聖二年三月丙辰星出天津東北向東慢流至

室北沒

占曰主使出乃外國使

○青州禾合穗

四年七月丙辰星出天津北如太白

元符二年七月丁未星出天津西北如太白急流
徽宗政和四年九月庚子星出危墳墓如孟東南
急流入羽林沒青白有尾迹照地明主人民安土
功與一日有

喪諸
侯憂

五年密州界芝菌瀰滿山谷有一本數十葉層疊

高大衆色咸備郡守李文仲採及三十萬
本每萬本作一摺入頁

高宗建炎二年九月癸卯密州進芝草五葉如人
掌指色赤而澤○三年山東大飢人相食

紹興十六年十二月戊戌彗出西南危宿

災祥

青州府志卷五

三

三十二年大蝗

孝宗淳熙六年十一月甲子熒惑與歲星合于危

光宗紹熙五年十一月庚戌填星與熒惑合于危

理宗紹定元年十月丁巳熒惑與填星合于危

端平十年十二月戊戌填星與歲星合于危

金章宗明昌二年秋山東東路旱大飢

宣宗興定五年正月山東行省蒙古綱奏慶雲見
命圖以進○六月戊寅日將出有氣如火道經丑
未歷危東西不見首尾移時沒

衛紹王太安二年四月山東東路大旱○六月淫雨大饑斗米千餘錢

元世祖至元八年八月癸酉益都進芝二本

十六年四月益都樂安縣朱五十家牛生犛犢兩頭四耳三尾其色黃卽死

十七年四月益都隕霜

寧宗慶元四年八月甲戌火與土合於虛占爲兵亂旱喪

嘉泰四年十一月庚午流星出天津急流天市垣

占爲火災民疾

災祥

青州府志卷五

三

開禧七年四月辛卯流星出自天津西南慢向心

宿西北沒占云有使出

成宗元貞二年十二月胸山水

大德七年五月益都蝗

八年四月益都臨胸蝗

九年春三月益都隕霜殺桑

十一年十二月山東飢遣禮部尚書吳鼎往賑之

武宗至大元年五月益都諸郡喙

二年四月益都諸郡蝗

仁宗延祐六年山東諸路大水

七年六月益都路蝗

英宗至治元年六月己未太陰犯虛梁東第二星
○十一月丙子又犯東第一星

泰定帝泰定元年六月益都路蝗

四年夏四月博興大旱蝗蟻遽起旦夕布滿田畝
○十二月博興臨淄膠西等縣蝗

文宗天曆二年六月益都莒密二州蝗

至順元年六月博興等州蝗

災祥

青州府志卷五

天

順帝元統二年十月丙申朔大名路抵青齊一方

有赤氣照耀千里

說者是時我
潛益都胡桃園之應
聖祖龍

至元四年冬十月密州安丘縣地震

至正四年八月莒州蒙陰縣地震

六年二月益都昌樂壽光地震○三月高苑地震
壞民居

十八年五月益都雨白鼈○秋八月蒙陰縣飢斗
米金一斤

二十二年二月長星見于虛危之間其形如練長

數十丈

二十三年六月臨朐縣龍山有星隕于地○冬十月山東赤氣千里

二十六年九月甲辰孛星測在虛初度

國朝太祖吳元年冬十月火逐金過齊魯分按聖政記

命徐達攻沂州拔之莒密等州皆降時金火二星會于守分望後火逐金過齊魯之分謂宜大振兵威復命徐達進兵益都遣人諭其守將老保不聽因急攻之乃出降

宣宗宣德三年龍馬產於諸城清水潭有司以獻

景皇帝景泰七年大水

災祥

青州府志卷五

元

憲宗成化九年三月四日晝晦自申至酉末方霽

是歲大飢知府李昂發粟賑濟

十五年莒州大稔麥一莖兩穗穀一莖六七穗

十八年日照大水○二十年白鳥集樂安

二十一年大飢

孝宗弘治五年春旱青州大飢

七年九月有龍鬪於益都陽水漂沒人物甚多

十八年六月諸城大雹縣南古城雹積如陵數日

消

武宗正德二年十二月青州大雪數尺

三年日照大旱人相食

五年元旦諸城大霧迷日著樹凝結如瓊花數日
消

七年夏青州譌言黑青見遠近擊銅器喧徹者數
夜

八年秋諸城大雨濰水逆流壅遏決淇諸水浸入
縣城壞民廬舍無筭○冬益都窩駝邨淳于髡塚
中如牛鳴自申至酉方止

災祥

青州府志卷五

三

九年諸城縣東北境多麋人捕食之不絕麋之害苗甚於

蝗蝻春秋胡氏以為民災

嘉靖二年春二月諸城大風晝晦不辨物色人迷

歸路樹間搏擊有火辰後方霽竟日日色無光

十年日照縣海出大魚噴水如注官民往視不敢
近

十二年蝗為災禾稼殆盡○十月七日夜半至曉

星隕如雨○十三年益都蝗

十七年正月二日夜陰火燒郡城梁普及其妻郇

氏皆死

十八年春諸城大飢民斃取草實為食

兵憲周相賑卹始安

二十一年十二月日照縣民漢恭妻一產三男

二十三年五月諸城縣大雹積厚尺餘

二十四年六月大雨郡城大水殺人

二十七年八月益都地震

三十一年秋七月大水蒙陰安丘尤甚羣龍攫石

形迹甚多○冬大寒無大麥

三十二年春蒙陰縣大飢人相食

兵憲史鶚賑卹之

災祥

青州府志卷五

三

三十九年七月青州蝻來自西北所過田禾一空

徧滿廬舍

青州府志卷之五終

